

近代中國史料叢刊第二十輯
沈雲龍主編

江 表 忠 略

陳澹然撰

(附：謄言·權制)

文海出版社印行

W. H. 1871 / 3

W. H. 1871 / 3

忠畧後敘

古者人類之生與禽獸爭一息之命雄者起而衛之則羣焉親愛奉爲君長而尊其教令精誠環結異類莫由侵入其間往往三數十里之區恆足自治以成其國雖軒轅湯武之威赫焉革前皇而成帝制莫克殫平羣國以初混一之規故其國類若近代土司一姓綿亘數千年不絕有王者作惟是因勢制法期於朝貢奉朔以達吾權自非民族親愛之深烏能及此然則憂患危亡之禱益天下爲何如哉聖人知親愛之足以長治久安而無危亡之患也則益制爲井田學校以貞結之務使一井之中溝洫相環絃誦相答巖然自守以成一國之勢然後合羣井爲國合羣國以成帝制其治迺益貞嚴靜屹不可動搖故三代已上數千年國家雖有亂亡大都變置朝廷閭閻曾無兵革之禍敵國外患亦遂無自而生豈

惟封建使然哉民之親
衰諸侯國悍然日迫其
疆者利其渙也則乘亂
七十而夷狄乃且半之
威則益禁偶語絕同居
愛之義於是中國之民
雖有英哲之主號稱小
益化之於是兵戈殺戮
動於神皋聖域之中而
之相嫉相殘衰微欲絕
爭其土日舉樂羣尊族
攫異族之人物土地以

然敵國而毋敢犯而吾則吏訶於朝士攻於學賈爭於市農搏於郊同族傾殘絕無相親相愛之風陰相悚怖以圖聚保桀者乃益匿殊族以賊吾羣故雖甲午之變 詔舉民團舉國頽然若無所事嗚乎可不懼哉居平憔悴憂傷莫出自克獨念愛羣親長之志實起危亡往者髮捻之亂棘於江淮一時仁賢輒不憚忼愾死亡以謀羣族於是豪傑者出毅然倡義旅以蕩定東南尤足見古者爭禽獸衛人羣以成國家之義流風伊邇聞者或將鼓舞不遑利而導之或抑世運人心之韜鐸也乃喟焉取甲午來刪訂茲編寄刊湘上嗚乎列強之禍百倍咸同江淮數千里形勢厥爲吾國富財之樞則尤諸雄長所睥睨長嘯者也觀者哀吾志而痛吾言庶幾二千年乖睽渙絕之風或且竦危亡以還親愛得一健者猶將躡湘淮豪傑以恢前古之遺黃族之危其有牙乎吾且流涕祝之

矣光緒二十有八年刊既成謹識其愚如此桐城陳澹然書

江表忠略述義

烏虜赭寇之變海內被禍之烈未有如兩江之甚者也初咸豐三年寇自武昌都江甯分略安徽江西爲屏蔽淮上捻亦遂出沒揚豫之郊擁列城稱王號幾徧天下而兩江實當樞筦

朝廷命將徂征千振百蹶逮兩湖旣奠寇萃東南長江數千里益震盪簸越無復山川人物之勝天祚

聖朝光啟重化乾樞坤軸羣霧寢夸蓋大亂十年兩江迺克大定天清地甯萌歌隸舞嚮之忼慨死節一瞑萬世者已盡焉終古不獲見大平之盛事矣咸豐十年曾文正督師江上嘗怒然慨喪亂旣平貞精毅魄之不容煨滅也博致文學師彥制忠義錄載諸幽遐吾師方柏堂京卿實肇厥事旣去而代者督焉歷三十有三載當光緒十有八年旣刊帙制府新甯劉公閱其梧蔓而續闕也使

澹然釐訂焉書成都四十卷劉公嘉之敘而鐫諸白下矣越明年澹然試禮部返津門而

國家方有朝鮮之難將帥委迤邐瑟籥焉相望間啟行篋出是書痛哭以求中興忼烈之士蕭寺往復輒復自病其繁猥不足上承遷史之遺於是舉成書斲其泰半而研極其淵微又三年凡十易稿迺克訂其書爲二十卷自尙書以來文字遷流造物若陰相驅幹而史氏遞降識者輒陰爲世會之憂故雖司馬君實歐陽永叔之賢本左史爲書其文實瞠乎莫克邇其統唯獨孤懷曠士寥焉與造物游迺足起古作者之懷而通諸元漠是書誠不敢上窺古作者之誼歎其兢兢是非得失之指治亂盛衰之機惴焉若帝天雷電之鑿格所謂貞諸鬼神而無疑者蓋庶幾焉繫古抗義振烈之倫不惜趨死以犯大難彼其心甯復計及於曠邈不可度之名

思假此以自襮諸萬世哉義亘諸其微而氣迺貞厲激發而不能
自闕也且夫上哲之體仁義躬教化益已闕焉不復數覲於天壤
獨賴上之人精神意量有以鼓其天使蹈舞於風氣之中其次則
選懦之儒精氣激昂亦足起天下之頽而油然罔覺蓋未有無所
感而能使之斷吭絕踵而不悔者

國家撫定江南江西首喪前明忠烈風氣所被摩盪於腎腸肌髓
者深故雖滔天之寇轡轢十數載都人士親上死長截然如泰山
華嶽不可動搖而官司將校莅斯土者乃益衽百死而不復知所
顧藉由此觀之中興之功師武臣之力毋抑死事者真英瀨氣動
天地薄日月陰以感召祥和激人心於亙古不沫之域歟今海寓
又安沈達君子遑遑深曠太息於天時人事之不可驟度然則是
書之成甯特區區憂隱伊鬱之思陰相託寄其於天下或亦不無

小補者夫烏虜世變亟矣悲鬱之士舍撰著渺無可自溺於江湖
寥寞之涯愚不自揆繆思綜攬庖犧以來治亂升降之故典章制
度之原抉經史之精而鑄淬以成一家之說饑寒奔走曠焉靡甯
故粗舉是書質諸海內知言君子後之作者以觀覽焉光緒二十
二年夏四月桐城陳澹然書於晦堂

述例

古方志之作後世逞逞因之成一代信史然必其書辭闕而情遠
迺曠然當古作者之義實乎藉哉忠節之錄五代史爲尤兢兢汔
南宋昭忠錄一書遂成專籍然而未爲方志也

國朝褒忠之典曠越百代乾隆間取前明殉節諸臣勒爲成書於
是海內懍然臣子之節咸同以來公卿大夫下逮愚夫愚婦死事
抗節者至迺不可選紀將帥大臣旣以聞諸

朝則益擇其尤爲實錄斷之行省如古方志之類然後忠節之錄炳焉與國史同風於序何其盛也是書之始以咸豐十年兩江總督疏報紳民爲斷前此及非總督疏報與後此專奏載諸國史及將吏死疆土者罔或逮焉故江蘇江西皆有專書安徽亦頗詳諸省志是書猥陋迄未有過而非之者然三省之書類多冗駁是書斷以兩江必合兵事終始之人成一家之言迺克當其名實故刈原書之陋薈三省之書別擇箸爲傳軼則採私家撰著都六十三種增其闕以待後世君子擇焉

史家用本紀統列傳故傳有所繫一代升降可瀏覽澈其大凡此司馬遷曠識孤懷詘諸百世者也是書前列將帥以將軍督撫提爲斷而欽差大臣奉

朝命以號令諸將則其分固與將軍督撫同焉者也其次或奉

江表忠貞錄卷之三
三
詔督一軍與幫辦軍務如呂賢基塔齊布李續賓鄧紹良周天受之倫則亦不敢等夷諸將所以重

朝廷也謹竊取司馬遷之義列爲綱領而當時一省用兵成敗得失繫焉述將吏第一

布按鎮道至於一命之官分不同而守土之義則一若待次行省與授官而未之其地則與客將要自有別故併著以明其屬焉述將吏第二

客將者別於守土而名焉者也承平旣久將吏多按資以躋崇高事敗則它省將吏之雄不得相爲挹注遑遑論功於此授官於彼此軍國權度之大端也至迺纍俘流寓以死於斯則亦附著以嚴其所爲其死事之在此也述將吏第三

古之仕者大率仕諸其國故民亦安土而重去其鄉後世蓋有不

能疆同者矣夫隨所處而守吾道以死之既重其死而嚴其地其人類多偉節則亦不能不表而暴之此可以觀世變者也述紳民第一

嚴天下而不亂者其惟鄉乎平居相安相樂以養生送死無匪彝亡等之漸淆諸其中有事則相守相望若指臂之扞背頸古昔之民遑遑老死不見兵革者此也自井田之法不行上所以範其下與下所自結以奉其上稍違異矣然當大亂之世士民或陷寇忍死以求復其城或結鄉里荷耨鋤出萬死不顧一生以抗羣寇或從容抗愾瞑萬世而不忍汙一日之命自託於旦夕苟且之謀何其壯也獨其事類多寡要析焉或不克自存合焉無以統其紛而或失則漫故本太史公儒林游俠諸篇舉列郡兵事連屬者以爲統紀而軍國大者亦往往經緯其間此孤激之懷所鬱而流焉者

也故取以冠列郡而以列女附焉述紳民第二

凡此者爲類二曰將吏曰紳民而析之則五惟不欲顯剖貽破碎之譏故發其凡如此其間褒揚所及都三行省奚啻數十萬人而所存迺兢兢若是蓋纂著之難舊矣非深明史法不足截其藩非深澈文章之原不足通其微而博其蘊此古作者之不概見而涉觀而得其旨趣者之難其人也今夫委巷鄉曲匹夫匹婦與士大夫一死以成其名要自有辨士大夫見尊禮於

朝廷死則澤其躬以流其嗣而匹夫匹婦無與焉此其行至難而其蹟爲易沫寬其涂以爲之勸則尊君親上之誼油然而動於愚賤而不自知而士大夫則不得不稍嚴其轍故凡將吏病沒於軍雖邀矜典非關時局則略而弗詳惟韓愈氏所稱磊落軒天地者無論載諸國史類無不詳著大節博攷遺聞其是非得失不妨明箸

以詔來者蓋國史撫諸疏報文輒不足行遠後世史官不能不博采文人之論定也至若身都將帥關繫一時安危或迺委蛇觀望以喪其域或蒼皇遁走以決其藩則其死雖若可矜而其隳大局以貽難國家則有不敢寬其責備蓋子其死者

朝廷寬大之仁而奪其死者君子清議之律特本勝朝殉節錄不載楊維垣之例削其名而見諸它傳俾後世爲人臣子有所懼而不敢輕棄其疆土春秋之法然也自左邱明以來死事之臣類無不詳著其地其大者迺併嚴其日月誠重之也故凡將吏紳民其微逞逞附諸巨者以明其統而時地相埒雖等夷亦頗因類以逮其餘蓋自尙書以降靡不祖邱明而禰馬遷左氏文之巨者大都類書叢輯納萬派於一母之中而子長之妙趣微言尤以合傳爲萬世不祧之盛軌班范代作茲誼邈焉故事益繁而文益敝史法

所由寢衰也是書合傳一法史遷卷訖輒爲贊以明其微指故其
文詞類皆嚴以法度其大者靡不萃羣說爲一家之言至若兵術
所關則必詳諮曲達以通其意惟當大亂之後文獻多蕩軼不傳
傳者又頗蕪蔓失實則作者亦未由致其嚴嗟乎方二三千里之
間距吾世至邇所述造迺不足稱吾志如此天下之大數千載之
遠輒欲搜討以致其精微烏虜其可得哉

述次

江蘇將吏第一

卷之一

祥厚福珠洪阿列傳

恩長 鄒鳴鶴

霍隆武 湯貽汾

炳元

錫齡額

向榮張國樑列傳

雷丙陽

吉爾杭阿徐有壬列傳

劉存厚 王之敬

張翊國 覺羅崑祿

綳閣

朱鈞

江蘇將吏第二

卷之二

祁宿藻陳克讓列傳陳勝元 徐肅 劉同瓚 歐陽晉

溫紹原世琨列傳徐琳 李守誠 羅玉斌 王家幹 張廷

高倬朱善寶李淮列傳夏慶保 王世良 黃元灝 馬鳳梧 祥林

岳昌 孫錫珙 楚玉麟 張鏡清
蕭知音 尙那布

江蘇將吏第三 卷之三

雙來瞿騰龍列傳烏爾恭額 梁紹鴻 伊興額 滕公

虎坤元周兆熊列傳楊國正 張攀龍 李朝綱 熊天喜 黃金友

魯占鼇 陳明志 劉廷鏞 張毓林 德

李臣典曾貞幹列傳倪桂節 劉玉春 陳萬勝

程學啟列傳范遇春 張勝祿 郭鵬程 王紹義

趙景賢列傳華爾 卜羅德 潘諮

安徽將吏第一 卷之四

江表見曲自金

周天爵呂賢基列傳徐啟山 任登庸

廣音泰

江忠源列傳玉山 鄒漢勳 劉世鈔 江忠信

李本仁

李續賓李孟羣列傳胡廷槐 彭祥瑞

鄒玉堂 蕭開甲

李續燾 伍成功

安徽將吏第二

全玉貴黃鳴鐸列傳何朝亮 蔡錕

朱景山 王舟 濮焯 孔憲天

何桂珍金寶樹列傳喜瀛 劉玉豹

駱秉彥 金肇元 劉鶴翔

金光筋列傳

陸希湜周佩濂列傳侯樞臣 鄭沅

蘇履中 唐洽 鍾普塘

丁震甲

董書 高楨 趙對激 宋載

張寶華

衛君選 濮陽嘉 董激 平源

安徽將吏第三

朱麟祺臧紆青列傳張勤

卷之六

卷之五

陳智泉蔡應龍列傳

楊得武

喀爾庫

西林佈

楊瑞乾

丁銳義曾國華列傳

楊萬

蔡其驃

其榮

石玉龍

孫守信

何忠駿

羅意文

劉神山

江西將吏第一

塔齊布列傳

童添雲

畢金科

卷之七

江忠義列傳

江西將吏第二

馬濟美劉開泰列傳

李克寬

馬炳南

清保

吳錫光

周玉衡葉濟英列傳

吳廣生

盧榮邦

常海

帥遠燁郭式源列傳

王本梧

陳宗元

楊曉昀

沈衍慶李仁元列傳

張全孝

李錕

恩喜

劉希洛

葉球

姚世恩

傅自銘

章裕善

傅培峯

周祖誥

高學易

雷封

蕭國深

諸葛槐

陳彬燮

李傳心

趙詠

洪漳

紀鳳翔

工長各目彙

七

江西將吏第三

卷之九

陳大富黃承綱列傳

田應科 鄧在富 李茂盛

蕭傳科 毛英勃

劉世鵬 傅承雲

李光祝 胡迪堂

王鑫列傳

易普照 王開化

蕭捷三列傳

蘇勝 周清元

鄭沐 黃國堯

史久立 夏鑾

羅勝發

劉騰鴻劉騰鶴列傳

林源恩屈蟠列傳

唐德陞 張時雨

耿光宣

江蘇紳民第一

卷之十

吳文鎔潘鐸列傳

張錫庚繆梓列傳

仲孫懋 仲孫樊 厲錄授 王僧保

馬昂霄 吳德豐

黃純臣 王翼鳳

王祖望 程葆

張錫蕃李福培列傳

月芬 韓怡

王恩綬 顧得勝

李芳 崔大同

黃家聲

安徽紳民第一

卷十一

羅遵殿王友端列傳

姚瑩列傳

鄧爾昌

徐玉豐李楝列傳

金雲門

何安泰錢桂仁列傳

金占熊

張樹珊列傳

郭有容
司壽文

劉登朝

唐魁殿列傳

李錫增
田履安

劉朝煦
吳漢章

張錫嶸胡本忠列傳

江西紳民第一

卷十二

黃醇熙吳偉南列傳

文晟吳嘉禾列傳

劉蔭堂
李煌

李文瀛吳修考列傳

汪茹蓮
方溥

楊鄭白龔世增列傳 劉應謙 鄭學均 劉詠臧 文振鶴
翁汝瀛 姚文輝 吳應奎 陳子英

江蘇紳民第二 卷十三

江甯列傳

曹森	土鶴	王金洛	夏家銑	汪星垣	方先甲
涂焯	朱琦	邨安坤	張繼庚	柳之麒	張仕義
鄧爾晉	程效文	陳燮	葛鏞	汪松崖	俞恩綸
俞恩綸	管子書	焦子深	高熊舉	高世珍	
陳紹祖	承貴	史傳經	邢臻	徐傳獻	吳斯謹
詩廷吉	於捷	張懷善	朱金標	達成榮	朱廷琛
方文湛	夏傳謨	賀廷榮	戴松齡		
僧士法	炳炎	炳明			
秦耀曾妻	高承瀛妻	周吉甫妻	張約蘋	羅愛蓮	
黃淑華	汪士鐸女	艾文濱妻	徐媪	董劔廷妻	
施肇峻妻	巫氏女	厲式玫母	詹之敬妻	綠衣女	
王月嬌	秦敷	徐仲瑤妻	金眉壽		

江蘇紳民第二 卷十四

鎮揚列傳

趙慶恩	趙慶錫	朱正蘭	正馨	賀朝棟	荆晨吉
錢錦榮	張樹梅	薛秉謙	朱奎光	周冲漢	方武奎

鍾淮 朱敬熙 劉嘉賓 陸銘
蔣蕊湖 殷遠厚 馬鳳英

江蘇紳民第二

卷十五

蘇松常太列傳

夏廷榮 楊棟 許穉 徐則 徐家昌 時鑄 張心梅

曹鳳華 吳鳳標 陸冊 馬釗 馬善 張蔭杲

顧光謙 費振鏞 陳克家 稷生 鄒清瑞 張德勤

徐秀玉 未端植 夏寶全 陳壽熊 黃循 朱奎

屈承壽 徐廷璐 詹侶磨

沈維城 僧鶴順

潘世琪妻 朱義和妾 王元嘉妻

黃琮繼妻 尼慧修 吳節婦

單錫光 徐步青 姚以昌 黃通 陳垣弼 倪日序

唐汝鈞 王清亮 蔣汝枚 顧雲鵬 吳兆熊 蔣文英

丁文煥 李方焯 支鳳梧 邵陸 陳飛序

姜慈志 王鍾嘉 愈瞻中

趙鴻留妻 衛年姑 謝炳妻

宋素英 王綬堂妻 趙祿保 范德隣 江正會

李彤勳 趙起 周贊襄 趙禾 胡文瀾 顧翰 許繼柏

傅林 朱四 楊錫嘉 曹禾 張玉堦 夏勤壩 徐慎獨 其志

蘇廷魁 顧爽 家康 鵬遠 張玉堦 夏勤壩 徐慎獨 其志

孫翼如 丁士欽 崔沛 桂馨 微陞 徐慎獨 其志

湯葆忠母 余一桂妻 莊其裕妻
楊氏姑 劉階傳妻 石產麟妻

安徽紳民第二

卷十六

安廬列傳

陳 崧 春陽 馬三俊 瑞辰 樹華 張元煒 開運
戴鈞衡 周元貞 芳寅 章汝鼎 冠鼇 江道平

江清 儲萬疆 徐貴馨
汪盛遇 劉顯箋 李逢春

戴鈞衡妻 方星毅妻
孫世昭妻 程成章妻

王汝貴 榮陞 許之坦 范國祥 黃先登 吳毓蓀
萬春生 吳廷香 鍾繼昌 上珍 汪人廉

安徽紳民第二

卷十七

徽甯池太列傳

朱夢爵 梅魁員 蔣嘉煒 洪伯遇

吳鴻謨 汪必琪 方建國 胡浚

丁翥 魏徵 袁澄 唐炳文 王蘭

張鴻泉 范代發 吳寅楠 鸞佐 堯中 劉漢川 耿驥

吳彥昇 胡澤順 夏維清 王錦隆 鄭國勳 汪嘉猷 胡文煥

阮長楨 吳維垣 李瑞祥 徐德修 吳知補

汪貴壽妻 周浩母
楊大正妻

安徽紳民第二

卷十八

鳳穎滁和泗六列傳

馮占科 李國楨 陳鼎需 鼎煜 驥千 孫家泰
贈璵 家興 蒙時中 徐立壯 程子彝 裴正心
正己 楊汝舟 慶鉞 尹寶珪 汪蟠春 曹綬卿
史克諧 祝方徵 許師喜 方錫之 顧兆鵠 劉冠英
王懷章 王元 謝安妻 方錫之女
侯占春妻 張兆麟繼妻 齊中源妻

江西紳民第二

卷十九

南饒廣九列傳

曾為九 王志成 蔡心泰 冷忠勉 陳夢松 余源
黃鶴翔 羅鳳階 劉馨朝 冷煜瀛 黃得雨 冷立敷
仙州 戴邦懷 徐震輝 董朝佐
徐霖 古和 余仲鼇
周志官 石兆桂 平淮 應拱 振廷 世爵 竣波
方蓬弼 王鳳城 治太 童南友 鮑家驄 郭守謙
黃夢龍 曹述需 榮三 朱佩鑒 凌註經
陳炳章 大文 洪兆虎 曾敦兮 德財

長身各事案

上

歐陽霖妻
馮承俊妻

高步雲妻

江西紳民第二

卷二十

瑞袁吉臨贛建撫列傳

譚汝楫

彭懷芳

盧履泰

彭壽頤

劉應龍

羅子璘

子璋

歐陽庸

鄧林材

顏芳秋

張煊

袁士林

鍾豫基

陳元椿

鄧元城

劉焜元

吳嘉賓

昌壽

何遠

王兆祥

徐初春

楊拜賡

徐克岐

黃春魁妻

胡業恆妻

倪某妻

楊采章妻

江蘇將吏第一

江表忠略卷一

祥厚福珠洪阿列傳

恩長 鄒鳴鶴

霍隆武

炳元

錫齡額

湯貽汾

祥厚字寬甫滿洲鑲紅旗人江甯將軍也咸豐二年冬粵寇破武昌謀東下 上命兩江總督陸建瀛爲欽差大臣十二月以舟師

禦賊九江至鄔穴而潰翼長壽春鎮總兵恩長戰死建瀛微服而還三年春寇入安慶巡撫蔣文慶方出殺之建瀛既返江甯守未備而寇已至 朝廷軫念南服慮文臣不知兵而駐防之久不戰也已命祥厚佐江防復命江南提督福珠洪阿軍江甯爲犄角福珠洪阿者滿洲鑲黃旗人塔齊布從兄也初寇至太平四合山總兵陳勝元破其舟追至蕪湖中礮死寇遂壁江甯城下築堅壘二十四環攻建瀛惟選不能軍巡撫楊文定復抵吾弛城守祥厚憂之與福珠洪阿抗疏白其狀當是時湖北提督向榮方躡寇而東

則請趣榮先寇抵江甯防剿 嚴詔責建瀛文定遂命祥厚攝總
督代欽差大臣而命福珠洪阿佐防守 詔未至而城陷方城之
未陷也祥厚鼓將校命之曰 朝廷豢吾屬二百年今事急當合
滿漢兵背城一戰將校涕泣受命二月十日昧爽寇穴儀鳳門城
陷祥厚則與副都統霍隆武斂旗兵死守駐防城旗兵男婦血戰
兩日夕駐防城再陷祥厚霍隆武巷戰死焉旗兵死者四萬人炳
元錫齡額尤烈炳元者官佐領勇藝冠軍嘗以手屈長矛爲樂儀
鳳門之陷賊數百人已前入炳元帥壯士逐之城闕復完詰旦狙
擊死錫齡額者少孤侍母疾篤孝將軍異焉擢參領謂人曰求忠
臣孝子之門吾以勸孝也方寇之破武昌錫齡額謂妻趙氏曰
國家豢養無所報脫不利獨闔門死耳趙曰炳元在都血食當無
殄且與君含笑地下也炳元者其子以舉人官京朝者也錫齡額

大喜則詣將軍謀戰守不歸內城陷北拜死舉室殉焉初福珠洪阿堅壁雨花臺據形勢寇至祥厚招入城城孤莫能戰儀鳳門之陷福珠洪阿躬闕寇鼓樓下破之方逐殺而通濟門且陷轉戰死之謚壯敏贈太子少保銜祥厚謚忠勇俱祠祀初陸建瀛之督師江上也疏請故廣西巡撫鄒鳴鶴浙江總兵湯貽汾助守焉鳴鶴者無錫進士也當 文宗御極詔求材以侍郎趙光薦自順天尹巡撫廣西二年寇偪永安州欽差大臣賽尙阿駐陽朔以都統烏蘭泰將永安軍創諸途提督向榮不能制則益弛寇阱縱之鳴鶴憤抗疏厲軍法寇已長驅偪桂林榮聞疾馳入鳴鶴禮下之城守以完寇既破全州入湖南賽尙阿嫉之以全陷奪職東歸 特詔賞六品銜督長江團練則輿疾至江甯會總督將軍籌戰守寇已襲安慶薄江甯病劇建瀛趣之歸不可作絕命詞以誓

云臣力難圖報稱臣

心仰答九重三次守城儀鳳門陷馳救選賊死賊怒裂其尸謚壯
 盡節庶幾全始全終節始鳴鶴守開封河決城不沒者三版躬捍宿城上兩月卒完遂
 用此名天下貽汾者字雨生武進人也祖大奎令臺灣死林爽文
 之難父荀業殉母賢通書史教之海內所傳湯太夫人斷釵吟者
 也貽汾初以諸生襲雲騎尉官至浙江定海鎮總兵遭時清平遂
 以風流文雅聲動海內既老寓金陵用書畫倚聲自娛樂居小倉
 山下琴隱園水木明瑟諸名士渡江爭造謁其廬粵寇之偪金陵
 貽汾年且七十有七矣 詔至躬起義旅助官軍逆寇鼓樓北眾
 潰左右納它室避焉寇宵退馳書上元令發粟集潰軍而令已死
 貽汾拔佩刀自刎不殊左右持而泣叱曰吾不能為 國殺賊死
 無以見先人地下也若曹且欲陷我哉手書絕命詞有生死原一
秋之付左右朝服奉 御賜杖趨池上北拜復東拜自湛死東拜

者常州先隴地也貽汾修幹偉言論義勇絕人在粵張保以海盜得官怒曰丈夫終不與降賊伍吾當手刃之客亟勸乃已至浙巡撫重其才方倚爲大將或齟齬遽歸居恆俯仰謂承平久將士不知兵特鏗古兵法道來者武昌之陷乞建瀛保金陵弗納官軍之潰九江謂家人曰吾老不能軍惟一死報國耳及死女適巡檢王瀛者方歸甯趣去泣曰父死焉避難盍先諸曰父未葬敢死殮畢死焉貽汾之死也以藤杖殉後十年城復改葬之藤已發連枝抱其體君子異之謚貞愍祀專祠

向榮張國樑列傳

雷炳陽

向榮字欣然四川大甯人幼奇趨及免常壘石城備攻守長老奇之嘉慶初白蓮教反被掠至河南寇道潰武舉張起鼇蓄諸家其父撻之虐僞死跳應募隸陝軍逾年總督楊遇春大閱榮騎射冠

軍遂從遇春受兵法道光初從征西甯番擢守備都司從討張格爾擢甯羌游擊晉副將英吉利入中國授直隸通永鎮總兵擢四川提督移固原三十年廣西盜起遂拜提督廣西之命初廣西盜千百爲羣獨洪秀全起潯州以天主煽徒黨眾逾萬據紫荆山榮謂巡撫曰教黨非流寇比也不翦其翼而蔓焉庸有豸乎遂自將討柳州慶遠鼓行至南甯橫州羣寇輒潰滅獨秀全橫軼犯潯州乃自橫州移軍潯躡擊至武宣寇見黑幟輒反走黑幟者榮所部徽蘇也咸豐元年寇還走紫荆山陷永安稱僞號天國秀全自立爲天王當是時督師大學士賽尙阿不能兵榮與副都統烏蘭泰忤則堅臥不戰寇入永安圍軍壁數十榮獨建議弛其北寇遂略桂林入湖南論者多以此疚榮而榮自此躡寇抵金陵竟以知軍聞天下寇之潰永安也榮策寇犯桂林介馬疾驅入得不陷而